

## Ekáti Pǎl ntá Nkwǎ Kólse

### *Ekáti Pǎl ntá Nkwǎ Kólse*

<sup>1</sup> Me Pǎl mǔnto Yesu Kristo bekoŋo nkaysi Mandem, ke nchí siŋ ekáti ene. Nchí fá ne nti mǔnkwǎ ywese Tímoti.

<sup>2</sup> Sétò yǎ ntá yeka bo Mandem, be batí bǔnkwǎ abhen bábhàre bariεp awu etok Kólse ne Mandem abhat be ne Kristo.

Mandem Etayese ántónŋ be berǐndu anchye bhe kpák.

### *Pǎl ákaka Mandem ne áñikmæet ãti bo Kólse*

<sup>3</sup> Sékaka Mandem mmu Yesu Kristo Acha ywese achi Móywi, ne sǎnikmæet ãti yeka,

<sup>4</sup> mbǎnyune séghok be bábhǎŋ neka ne Yesu Kristo ne bǎkǎŋ bo Mandem mankem.

<sup>5</sup> Bǎkù nǎ mbǎnyune bábháká nti ndǔ berítí menyin ebhen Mandem ábháre amfay ntá yeka. Mpok bághókó Mbok Ndíndí ke bǎríní ãti menyin ebhen, ne Mbok Ndíndí achi tetεp.

<sup>6</sup> Mbok yǎ atwǎ ntá yeka mbǎ enyǔ átwǎ ntá bo mmik nkem ne ányù kepem ne ágò. Nǎ ke yǎ achi nyaka ndǔ nkwǎ yeka bebho ndu nywǎp enen bághókó ãti berǐndu Mandem ne bǎjwimem enyu bǎ bechi tetεp.

<sup>7</sup> Bághók Mbok Ndíndí ne ntá Epafra. Yi achi nti mǔbetok Mandem ane sékónó tontó. Achi nkæbetik

Kristo ane ábhæere bariεp ami. Achi awu ndũ nnyén enese.

<sup>8</sup> Yi aghati bhese enyũ Efónó Bedyere ákú be mǎnkəη bati.

<sup>9</sup> Sébhíkí bhət menikmæet ɛti yeKa bebho nywəp enen séghókó nə. Sénikmæet be Mandem amfæet ntá Efónó Bedyere ánkwak mǎndiηi sayri enyiη ene yi áyàη mǎnkə. Sénikmæet be Mandem ánkə nə ndu ákə mǎmbak bariηíndak beyiηi baraká Efono ne ndu akwak mǎmbəη nejwimem ndu bə bechi. Achyé bhe neriηíndak be mǎndiηi sayri yéntiki enyiη ene yi atí nyaka bekə ne ákə ntá böbhi.

<sup>10</sup> Sénikmæet be nejwimem enə nénkwák mǎmbəη nepém enen nékwáy ntá nkoηo Yesu Acha. Enə nékə Mandem ambəη maηák, ne nékwák mǎnkə nəkə menyiη ebhen beri ndũ yéntiki mbi, ne nékə mǎndiηi Mandem mǎndəkə nəkə chi ambi.

<sup>11</sup> Ne sénikmæet be Mandem ánsət betəη ebhi ebhen beyǎ becha ánkə mǎmbəη nəkə betəη, be yéyí yéyi, mǎmbəη ekébhéntí, mǎnte sené, mǎndəkə nəkə chi ambi ne maηák,

<sup>12</sup> mǎnkaka nəkə Eta. Yí ke ákú mǎnkway bebhoη menyiη ebhen yi atoηti ntá böbhi abhæere nebhuet ane bediééré ebhi béghò.

<sup>13</sup> Aféré bhese ndũ betəη ebhen ejuri, akə be Móywi mmu yi ákóηó tontó ámbák wu Mfə ywese.

<sup>14</sup> Béfuēt ntá Móywi wu sébhəη mbi be máнку bhese mǎmfere ndũ kesem eken bebú, nə chi, mǎmfónórí bebú ebhese.

*Enyu mmu Kristo achi ne enyũ betik ebhi bechi*

15 Yě mmu apu kway begho Mandem. Móywi ke ákú sénjwimem enyu Mandem achi. Ne nkúbhé mbó enyũ mǎmbi ábhónó betan ndũ nneréket, nǎ ke Móywi ábhónó betan amfäy menyin menkem ebhen Mandem ághókó.

16 Echi nǎ mbonyune yi ke Mandem árémé be ángókó yěntiki enyin, ebhen bechi amfay ne ebhen bechi fá amik, ebhen bo bághò ne ebhen bo bápú kway begho, betantí befónó, ebhen bebhəŋo betan becha bafó bachak ne befónó ebhen neŋokó kefó ekap necha eken bachak, ne yě chí ebhen bébhónó betan amfay bho mbó bafó. Béfuet ntá yi, ne ntá yi, ke bághókó menyin menkem.

17 Bápéere ghoko yěnyin, yi achi. Ne yi ke ákém menyin menkem be mémbak mbó enyu bebhəŋo bebhak.

18 Yíre ke achi münti ane bönkwo, ne bönkwo chi mmuet yi. Yí ke ágháy nebhüérémik ntá bönkwo.

19 Echi enyu eyo mbonyune Mandem abhəŋ nyaka maŋák be yěntiki enyu mmu yi achi, Móywi nkwo achi.

20 Ne yí ke Mandem ásóré be ankə yěntiki enyin, yě chí ené fá amik ne yě chí ene amfay, be yěntiki enyin émbón mbi bepet bebhak eyəŋ émət ne yi éti newú Móywi ndũ ekotákátí. Néne, yěntiki enyin ékwəy bebhak ndu kpák ndu nté ane yó echi ne Mandem.

### *Bächí eyəŋ émət ne Mandem néne*

21 Bě nkwo bächí nyaka nekə nesie ne Mandem, bəbhak bömpap abhi ndu nkaysi yeka éti bebéptí menyin ebhen bākú nyaka.

22 Ke Kristo asət nyaka mmuet nkwaŋwan, agú ndũ ekotákátí éti bebú ebheka. Enyu yo ke Mandem

ákú be mǎmpet mǎmbak eyəŋ émət ne yi, be mǎmbak nyánjá, kebəŋ bekwéné besí bhi.

<sup>23</sup> Ke bǎbhəŋ berəŋ ambi bebəŋ neka ne Mbok Ndíndí, mǎnte sené ne kpirí. Bǎké rə nebhakánti enen Mbok Ndíndí ákú bǎbhəŋə mpok bǎghókó yə. Bághati Mbok ane ntá yěntiki mmu fá amik. Me Pól nchí mübetok ane nchí kə bo mándiŋi Mbok Ndíndí-ne.

*Betik Pól bechi ntá bo abhen bapu bo Israel*

<sup>24</sup> Néne, mbəŋ maŋák ndu besəŋəri ebhen mébhəŋ mbənyune békwək bhe. Nchí bhəŋ besəŋəri ndü nkwəməet mbənyune nchí naŋa bebəŋ besəŋəri menkem ebhen berəbhe nyaka be Kristo ámbəŋ, ɛti böŋkwə. Böŋkwə Kristo bhə chi mməet eyi.

<sup>25</sup> ɛti böŋkwə ke Mandem ákú be mbak mübetok ndu bekə mándiŋi Eyəŋ Mandem sayri.

<sup>26</sup> Eyəŋ ene echi nyaka bhésé bhésé ntá mkpaká bho ene éfúéré ansem, ke néne, Mandem akə böbhi mándiŋí yə.

<sup>27</sup> Mandem áyən nyaka be böbhə mándiŋí be enyiŋ bhésé bhésé ene yi átóŋtí abhəre chi nném enyiŋ ene ebəŋə bekwək bo abhen bápú bo Israel. Kristo achí amem bati yeka, ne bǎkway bebhaka nti be chəŋ mǎnyie keném eki ne yi.

<sup>28</sup> Kristo ére ke séghati bho menyiŋ ɛti yi. Ndu sékə nə, séyà batú yěntiki mmu ɛti menyiŋ ebhen bǎbhíkí bhəŋ bekə ne sétəŋ bo menyiŋ ebhen bə bǎbhəŋə bekə. Sésəmti bhə, ne sétəŋ ne neriníndak nenkem bé sénkwáy bekə yěntiki mmu wap ánkway ndü yěntiki mbi, mbə mmu ane

ábháré mmæet ne Kristo, ndü mpok ane séte besí Mandem ne yi.

<sup>29</sup> Èti yò ke nchí fyε betan bekà betik, ndep nòkò mmæet ne betan menkem ebhen Kristo áchyè me.

## 2

### *Pål ànù èti bakwó bho Kristo ankem*

<sup>1</sup> Nchí yan mändiñi enyü nchí nu tontó èti nkwo Kristo ane Laodisia ne èti bakwó bho bachak ankem, abhen bábhíkire ghò me.

<sup>2</sup> Nchí yan befye bhe nti, ndü bāgwóré mmæet ne bati ndu ekòñ. Nchí yan be be mankem ne bhò mǎnjwimem sayri ndü enyiñ ene Mandem ákú séríñí èti Kristo, be mändiñi menyiñ èti Kristo ebhen bechi bhésé bhésé ne békà mǎmbòñ beyǎ áfók ndü bákòño mbi ywi.

<sup>3</sup> Yí ke ánène mbi be sémbák bariñindak ne be séndíñí menyiñ. Neríñindak enen néri necha.

<sup>4</sup> Nchí ghati bhe menyiñ ebhen be yě mmu áké sot sérwǎrényu ándwò bhe èti menyiñ ebhen beyiñi Kristo, be mǎnem ebhi.

<sup>5</sup> Yéndu mpú awu, nti ena nechi ne bhe mpoknkem. Nkòñ beghok be bākà menyiñ mbò enyu éyàn ne be bǎte kpirí ndü neka eneka ne Kristo.

### *Mbák mmu abhat mmæet ne Kristo ájwi pòot*

<sup>6</sup> Těndu bǎsóré be Yesu Kristo achi Acha, baré ká nepém eneka mbò enyü yi áyàn.

<sup>7</sup> Dǎ ka bapém ayeka ambak ne Yesu mbò enòk ene émuré bakan amik, mǎnsene ndü neka eneka ne yi nkúbhé mbò enyü bátóñ be, mǎnchye nókó Mandem beyǎ kenókó.

<sup>8</sup> Σὸτ κα mpok βε yě mmu áké sɔt neriñíndak ενεν bð mmik νε sérwɔrényu andwɔ be mǎmbák basem ntá menyih ebhen bɔ bátɔh be. Enyũ neriñíndak ενɔ néfù chi ndũ nkaysi bakwǎhwan νε ntá befónó ebhen bebhɔhɔ betan fá amik, népú fu ntá Kristo.

<sup>9</sup> Dihí ká be yěntiki enyũ mmu Mandem achi, enyuyɔ ke Kristo achi.

<sup>10</sup> Ndũ bãbháré mmæet νε yi, bãjwi pɔɔt. Yi ke ábhónó betan amfáy menyũ befónó menkem.

<sup>11</sup> Ndũ bãchémé mmæet νε Kristo, aféré ebépti epih amem bati yeka. Eyo chí erih betɔh be bãchi bɔbhi. Puyě chi erih ενε mmu afyé amæet mpok báyan besyep yi mbɔ enyũ bo Israel bákɔ mpoknkem. Chí Kristo ke afyé erih eyi amem bati ayeka.

<sup>12</sup> Mpok bãjwítí bhe, bãbhéme be νε Kristo. Bě nkɔwɔ bãpetnsem ndũ nepém νε yi mpok yi apetnsem ndũ nepém. Efákári nɔ mbɔnyune básiki nyaka ntɔ ndũ betan Mandem mmu áká Kristo apetnsem ndu nepém.

<sup>13</sup> Bǎchi nyaka chi bawú ěti bebú ebheka mbɔnyune bãbhíkire fyε nyaka be erih amæet betɔh be bãchi bo Mandem. Ke achyé bhe nepém nekɔ νε Kristo ndu áfónóri bebú ebhese menkem.

<sup>14</sup> Sékwen nyaka manyé besí Mandem ndu sébhíkí kɔ mbɔ enyũ yi áyan. Ke adákátí ekati manyé bebú ebhese, νε ébhak mbɔ be ábáy nyaka bhɔ anti Yesu, νε bágɔ yi ndũ ekotákátí νε bhɔ.

<sup>15</sup> Afónó betan ntá befónó ebhen bébhónó betan fá amik, akɔ be bó béké bhɔh kenókó besí bhɔ ndũ ású bhó amik. Atón bhɔ mbɔ batemé nenu abhen bákémé ebhñenu. Ebhñ nenu eyɔ ebhak newú Yesu

ndũ ekotákátí. Asot awónem amfäy befónó ebhò enyuyò befuet ndũ newú Kristo ndũ ekotákátí.

16 Ndu echi yě nò, báké rò be yě mmu ánji be be bekwéné béchí ne bhe ěti menyũ menyiŋ ebhen mányíe ne ebhen mányù. Ne báké rò be mmu ampuri bhe mánkoŋo bebhé ěti bepá mmyé, \* ne epá ntaŋ akò, ne ěti epá nywòbhé neywěmuet.

17 Bebhé ebhò menkem bechi chi mbò ndíkándi menyiŋ ebhen Mandem ábhúré nyaka be bétwò chòŋ. Mbòŋ enyiŋ ene echi ansem ndíkándi wu ankem chi Kristo yímbòŋ.

18 Báké rò yě mmu ándém be bábhíkí kway, anset nkweré be bábhòŋ bebhòŋ enyũ nesepítimuet enen népú tetep, ne be bábhòŋ bechye kenóko ntá bòángel. Bòbhò bápà be Mandem átòŋ bhò menyiŋ ndũ kenó amík anti fúú, ne báyoŋ mmuet ndéndem. Nkaysi yap achí chí ane bõ mmik.

19 Ekè bò bábhíkí pere bhat mmuet ne Kristo, mũnti wap. Yí ke achí mbò ntí ne bõnkwò bachi mbò mmuet eyi. Básòt betan ebhap menkem chi ntá yi ne àkà bò mánchem mmuet ndũ nkwo amot mbò enyũ bariŋ ákem byoŋómuet. Bágo ye ndũ mbi Mandem mbò enyũ yi áyàŋ.

### *Bégu ne bebhak nepém ne Kristo*

20 Bágú ne Kristo, ne Mandem aféré bhe anten befónó ebhen bebhòŋò betan fá amik. Ndu échí nò, ndaká yi bächí mbò bõ mmik? Ndaká yí bábhuet bekoŋo bebhé bõ mmik, mbò ebhen bérèm be,

---

\* **2:16** Bepá mmyé: Annual festivities.

21 “Bǎké kém enyih ɛyɔ nɛ awɔ. Yě chi beghokoti, bǎké ghokoti enyũ nenyíe ɛnɔ. Yě betɔk, bǎké tɔk enyũ enyih ɛyɔ.”

22 Menyũ bebhé ebhɔ bɛfɛɛɛ fɛɛt. Menyũ bebhé ebhɔ bɛfũ chi ntá bɔ mmik nɛ ndũ menyih ebhen bɔ bátɔh.

23 Báyíh bebhé ebhɔ, mmu ákway bekaysi be béchye nerihíndak mbɔnyune bo abhen báfyè bhɔ bátè kpírí be mmu abhɔh befyɛ mmɛet ndũ menyih Mandem ebhɔ, nɛ bárèm be mmu abhɔh besɛpti mmɛet amik, nɛ be mmu abhɔh bechye mmɛet yi beyǎ ɛsɔhɔri. Bebhɛ ebhen bechi chi ndéndem. Bépú kway bekwak mmu ambɔh betah ndu bekem mmɛet be áké kɔhɔ bebéptí menyih ebhen mmɛet eyi áyàh yi ankɛ.

### 3

#### *Nebhɛet anɛ mmu abhɔhɔ bebhɛɛ nti eni*

1 Tëndu Mandem ákú báfú ndũ nɛwú bápetnsem ndũ nepém nekɔ nɛ Kristo, bɛɛ ká nti ndũ menyih ebhen bechi amfay, ebhak ɛnɛ Kristo áchókó ndũ nebhɛet kenókó, ebhe awónem Mandem.

2 Bɛɛ ka nkaysi chi ndũ menyih ebhen bechi amfay, puyě ndũ ebhen bechi fá amik.

3 Echi mbɔ be bǎgu mpok anɛ Yesu ágú. Nénɛ, nepém nekɔ ɛnɛka nɛchi bhésé bhésé awó Kristo ndũ nebhɛet anɛ yi achi nɛ Mandem.

4 Nɛ mpok Kristo mmu achi nepém ɛnɛɛ ábhèsi, chɔh be nkɔwǎ mǎmbesi nɛ yi nɛ mǎmbɔh ákórɛ ndu keném eki.

*Dǎ ká ɛsí nepém ɛnɛka, mǎnsɔt ɛnɛn nekɔ*



<sup>5</sup> Sō yé ka amó mǎmféré ndũ menyiy ebhen béyiyi nepém nesí eneka. Nō chi epúsi, ne yě chí bepō baraká kebħure, ne mēnwáka ndũ baraká kebħure, ne nkaysi bekũ bebú, ne yěchi befye amík ndũ menyiy bo bachak mbonyune befye amík ndũ menyiy chí besot bhō mbō bōmandem mmik.

<sup>6</sup> Ēti barak abúabũ yō ke Mandem ábè chōy nti, antemsi bho.

<sup>7</sup> Ndũ mpok ane áfúéré ansem, bǎkũ nyaka menyiy ebhen mpok bachi ndũ esí nepém eneka.

<sup>8</sup> Ke néne, bǎké bhōy yěnyiy bekũ ne menyiy mbō beběnti, ne echoko-nti, ne nkaysi bekũ bati bebú, ne bechōyti manyén bati, ne eyōy ebúbũ eke fu be anyu.

<sup>9</sup> Bǎké sēnse ntá bati tēndu mǎnánj bārō esí nepém eneka ne menyiy ebhen nō nétō nyaka be mǎnkũ nōkō,

<sup>10</sup> ne bārōbhē koŋo chí epiy ekō. Bǎyíbhírí bārōp bō bakō ne bǎyíbhiri mǎndōkō nōkō chí ambi mǎndōbhē nōkō mbō Mandem. Yi ke ághókó bhe mbō bō bakō be mǎndiyi yěntiki enyiy ēti yi.

<sup>11</sup> Ndũ nepém nekō enen, yě mmu achi chí mmu Israel yě mmu etōk echak, yě básyep mmu yě bábhíkí syep, yě chí mmu ane amík ánéné yi yě chí ane achi nyabhi, yě chí nsem ye chí mǎmik, mankem bǎchí enyumōt. Nném enyiy chí Kristo ne yi achi amem bati bōbhi mankem.

<sup>12</sup> Mandem ayap be be mǎmbak bōbhi, bǎchi nyánjá, ne akōy be tontó. Ndu echi nō, bǎbhōy beghō bati ntínso, mǎntōy bō berínti ne nesep̄t̄m̄uēt, ne epiy besot menyiy petii, ne ekébhénti.

<sup>13</sup> Bōy ká ekébhénti ne bati, mǎndōk ambi befonori bati, yě émbak chí be bákũ mǎmbenti.

Bǎbhəŋ befoŋori bati nkúbhé mbə enyu Acha ywese áfónórí bhe.

14 Ne nném enyiŋ ene echa ebhen menkem ene bǎbhónó betəŋ bati chi bekəŋ bhə. Ekəŋ égwət menyiŋ menkem ndü nsoŋ amət.

15 Dǎ ká kpák ane Kristo áchyè ántón be enyü bǎbhəŋə beku menyiŋ tǎndu Mandem ábhíŋí be be mǎmbak ndu mmuet amət, ne be kpák ambak ne bhe. Ne bǎbhəŋ bekaka Mandem ɛti menyiŋ ebhen yi ákà.

16 Dǎ ká Eyoŋ Kristo émbəŋ betəŋ amem bati ayeka. Tón nókó ká bati ekəŋ eyə, mǎnchye nəkə bhə manié, ne beyǎ nerinǎndak. Kwáy nókó ka bakwáy ane áfù ndu Ekáti Bakway ene echi amem Ekáti Mandem, ne bakwáy Mandem achak, ne bakwáy ane Éfónó Bedyere afyé be anti. Kwáy nókó ka yo ne bakak ntá Mandem amem bati yeka.

17 Ne yǎntiki enyiŋ ene bǎkà, ne ené bǎrèm, mǎnkə yo ndu nnyén Yesu Acha, mǎmfuet ntá yi mǎnchye nəkə bakak ntá Eta Mandem.

### *Enyü bo Kristo bǎbhónó bebhak ne bati*

18 Bě baghərə ne maném, septí nókó ka mmuet ntá maném abheka ndü yǎntiki enyiŋ mbənyune eyə ke eri besí Yesu Kristo Acha.

19 Maném, kəŋ ka baghərə bheka, ne bǎké bhak bebebebe ne bhə.

20 Bə, ghók nókó ka bachi ne manə bheka ndü yǎntiki enyiŋ ene bághàti be mǎnkə, mbənyune eyə échyè Yesu Acha maŋák.

21 Bachí-bhə, bǎké kə enyiŋ ene ékà bǎbheka mambe nti. Mbák mǎnkə nə, bákway beferə amə.

22 Basem, ghók nókó ka bachi bhēka abhen fá amík ndũ yěntiki enyij. Báké k₄ n₄ chi ndiere mpok ane amík ayap achi be am₄et, mb₄ bo abhen báyan chi bechye bh₄ maṅák. Ghók ká bh₄ ne bati ayeka ankem mb₄nyune bächyè Mandem kenókó.

23 Yěntiki betik ebhen bächyé bhe, k₄ ka bh₄ ne bati ayeka ankem těndu bāriṅi be bátók n₄ chi Yesu Acha, puyě nkwa.

24 Bāriṅi be ch₄ṅ māmboṅ akap ane Yesu Acha ábhúré ntá bōbhi. Chi Kristo Acha ke bátók n₄!

25 Dók ká ambi bek₄ n₄ mb₄nyune yěagha ane ákè bebú ábh₄ṅ nsáy ndũ bebú bhi, ne Mandem átaṅ bo ketóṅ kériṅámík.

## 4

1 Bě abhen bābhóṅ basem, kém ká bh₄ eríri ne enyu ene echi chak. Bāriṅi be be nkwa bābh₄ṅ mmu ane ábhóṅ be amfay.

### *Menyij bechak ebhen bābh₄ṅ bek₄*

2 Tě ka kákátí ndũ nenikim₄et, mām bak pě, ne mánkaka n₄k₄ Mandem.

3 Nik n₄k₄ ka mm₄et ěti yese nkwa be Mandem ánéné bhese mbi ndu beghati bho kponoroṅ Mbok Ndíndí ěti Kristo ane achi bhésé bhésé. Chi ěti méghati bho y₄ ke nchí ekeréken₄ṅ.

4 Nik n₄k₄ ka mm₄et be ngátí bho y₄ mb₄ enyũ mbóṅ bek₄, enyu ene bāghòk mánjwimem.

5 Ekaká nek₄ eyeka ebh₄ṅ bet₄ṅ be bāchi bariṅindak besí bo abhen bābhíkí riṅi Mandem, ne báké ch₄ṅti yěntiki mpok ane bābh₄ṅ mbi beghati b₄ Mbok Ndíndí.

6 Εὐχαρίστησον εὐχα εὐχα ἐβήθη βεβήκων ἐνέ ἐχθρῶ bo mañák, ἔμβακ μβῶ ἐνέ mmu ane afyé ngañ anyu be mǎndĩñĩ enyũ bãbhõñó bèkéme bo abhen bãbhẽp be menyĩñ.

*Bakak amen ngwenti*

7 Chõñ Tíkikõs ángati bhe yẽntiki enyĩñ ěti ya. Achĩ manõ ne nti mũnkwo ane nkõñ tontó. Akũ betik ne nti nemõt ne ätok Acha ne me.

8 Ěti yõ ke ntó yi ntá yeka be ankũ mǎndĩñĩ enyu sechi, ne be ámfyé be nti.

9 Atwò awu ne Õnésimõs, mmũ yweka amõt. Õnésimõs achi mmu tetep ne manõ ane sékõñó tontó. Chõñ bõ mángati bhe yẽntiki enyĩñ ene éfákárĩ fá.

10 Arístakõs mmu achi fá ekerékewõñ ne me ätò be bakak. Mbák Mák manõ Banábas mmu ngátĩ bhe menyĩñ ěti yi ántwó awu, sõt ka yĩ ne amó apay.

11 Ne Jísõs ane bãbhĩñĩ be Jóstõs ätò bhe bakak nkwo. Ndiere bo Israel abhen bati arat ke bachi bati bakũ betik ne me ndú bekũ bo mǎndĩñĩ enyu Mandem abhak ne bho mbõ Mfõ wap. Bó mankem bãchyè me nepõptĩntĩ tontó.

12 Epáfras nkwo ätò be bakak. Achi mmũ yweka amõt ne mũbetok Yesu Kristo. Anikmæt ěti yeka ne nti eni nenkem mpoknkem be mǎnsene ndũ mbi Mandem, ne be mǎndĩñĩ sayri yẽntiki enyĩñ ene Mandem áyãñ mǎnkũ.

13 Nchĩ ntĩsie Epáfras be ákũ tontó ěti yeka ne bõnkwo Laodísia, ne abhen Hierapolis.

14 Lukas, ngañ ane sékõñó tontó, ne Démas bátò be bakak.

15 Kaká ká bõnkwo abhen etõk Laodisia, ne Nímfa, ne eka bõnkwo abhen bãchẽm eket eyi.

<sup>16</sup> Mǎnǎŋ mǎmpay ekáti ene ndũ nkwo ywεka, ke ká mámpay yɔ ntá nkwo Laodisia nkwo. Pay ká nkwo ekáti ene ntó ntá nkwo etok Laodisia mpok ane bo bátó yɔ ntá yεka.

<sup>17</sup> Ne ghati ká Akípɔs be, “Ghɔ be onǎŋá betik ebhen Yesu Acha achyε wo.”

<sup>18</sup> Me Pǎl nchí siŋ bakak amen ne awó awa membɔŋ. Tik ka bé nchí ekerékenɔŋ. Mandem antɔŋ be berĩndu.

## Ekáti Nku Nkɔ

### **New Testament in Kenyang (CM:ken:Kenyang)**

copyright © 2010 Wycliffe Bible Translators, Inc.

Language: Kenyang

Translation by: Wycliffe Bible Translators, Inc.

### **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kenyang

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
0a400be4-2dfe-565d-bdea-5f3d59d48520